

Zeitschrift: Il glogn : calender dil pievel : annalas per historia, litteratura e cultura romontscha

Band: 7 (1933)

Artikel: P. Placi a Spescha

Autor: Nay, G.M.

DOI: <https://doi.org/10.5169/seals-881270>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 19.05.2025

ETH-Bibliothek Zürich, E-Periodica, <https://www.e-periodica.ch>

P. Placi a Spescha.

En claustr'a Mustér avon varga tschien onns,
— Risdavan fervent ils nos buns per davonts —
Viveva nies Pader a Spescha.
La tgina dil niebel stat sper nies ischi;
La pézza Punteglia formesch'in tschupi,
Ch'afuns giu el Rein resplendescha.

In pader retratg e zun stgirs de mirar
Secreias Ti forsa d'en cella anflar,
Ch'untgescha la veta mundana,
Cuend ni al tgierp ni al spert in confiert,
Che ei, aunc en possa, satraus sco in miert,
Declara la veta per vana.

Co vas ti en err, e nos buns per davonts
Risdavan dal pader tut auter báronz,
Dal pader e sia manonza.
Siù spert era clars e sgulava ad ault,
E mai ch'el snegavi il mat de pli baul,
Ils usits de sia affonza.

E suenter las reglas de sogn Benedetg
Viveva nies pader en claustra perfetg,
Urava las sontgas mudinas;
El scheva brevier e cantava el chor
Ed er'in giuvnal de sogn Placi da cor,
Haveva ni regls ni furtinas.

E suenter las reglas de sogn Benedetg
San ils religius era ver lur deletg
Leu ora sil mund, ella veta,
Ch'ei era scaffius ed ornaus pilis claustrals
Cun cuolms e valladas, cun matgs e tschupials
Ded aur ed argien e valeta.

E Pader a Spescha banduna bugen
Beinduras la cella, e cun legherment
Tramunt'el, stagl dir las mudinas,
Muntognas grischnas cun neiv e glatschers.
Traversa las gondas, crestatschs e multers,
Curclai cun striaun'ed arclinas.

E tendas de pézzas el blau digl azur,
Perdetgas eternas d'in sabí Signur —
Co tunan cheu clar las mudinas
El tempel dil Segner il plí maiestus,
Leu ura nies pader fideível e prus,
Admira las forzas divinas.

Admira la tiara, siu tschespet, sulom,
La greppa, las fluras e mintga cagliom,
Las forzas e sia natira.
L'egliada sgolatscha cun admiraziun,
Il cor palpitescha en adoraziun,
Tscharnend el las alps e cultira.

Spluntond las armadas dils crius giacubins
Cun spada e flommas, sprezzond els confins
Dils libers Grischuns e lur tiara,
Cheu marscha nies pader ensemens culs caus,
Cul pievel en furia sper claustra rímaus,
Per batter la sontga uíara.

Ad Innsbruck, el petschen marcau tiroles,
En criua fermonza, sin jester intschess,
Batteva gl'intern de nies niebel
En spír passadetgna e tribels quítaus
Pils dretgs della patria, pil tschespet bugnauis
Cun saung e cun larmas dil pievel.

Ils umens, che battan sincer il combat
E senza malart pella sontga verdad
Cun spada taglionta, murdenta,
Ed umens, che sgolan plí ault ch'il cumín,
Piteschan bugen dal scarvun dil vischin,
Dal tissi zuppaus della schenta.

E Pader a Spescha nies vegl campiun
Undrescha e cloma la pintga canzun
Als giuvens puspei a memoria:
La claustra cun Trun, il cumín la Cadi
Gli porschan ensemens in dubel tschupí
Cun fluras de laud e de gloria.

Dr. G. M. Nay (1860—1920)
